

նրանց հետ միաժամանակ որթնատնկերը
 զարգացել են ձորոխի Աւագանում : Միե-
 նոյնը կարելի է ասել ցորենի, դարու,
 բրնձի եւ ուրիշ հացահատիկների համար .
 թէ եւ հացահատիկները ձորոխի Աւագանում
 այն ճոխութեան չեն հասել, ինչ բախտ
 ունեցան Բարձր-Հայքը, Տուրուբերանը,
 Այրարատը եւ Վասպուրականը . բայց իր
 խոնաւ եւ ջերմ կլիմայի պատճառով ճոխ
 սինինդր (եգիպտացորեն) աճեցրեց : ձորո-
 խի խոր խոր ձորերը այնքան հարուստ
 մշակուած ձիթենու պարտէզներ ունին, որ
 բաւարարում են Հայաստանի ամբողջ 15
 նահանգներին, իրենց ձիթով եւ ձէթունով,
 սրից նրանք լիովին զուրկ են : Իսկ պտղա-
 տու ծառերով այնքան հարուստ են, որ ո՛չ
 միայն թարմ եւ չոր միրգ էին փոխադրում
 չրջակայ նահանգները, այլ թթից, հոնից,
 սալորից, խաղողից, տանձ ու խնձորից
 մաթ, պաստեղ, քումա եւ ուրիշ նիւթեր
 էին պատրաստում եւ արտահանում դէպի
 դրացի գաւառներն ու նահանգները : Իսկ
 անտառային փայտի տեսակներով այնքան
 հարուստ են, որ մրցակից չունին ոչ միայն
 Հայաստանի ու Վրաստանի գաւառներում,
 այլ ամբողջ Փոքր-Ասիայում եւ Պարսկաս-
 տանում :

Ինչպէս մեծամեծ քաղաքներ հիմնուել
 են Նփրատի, Տիզրիսի եւ Նրասիսի ափերում,
 այնպէս էլ հիմնուել եւ ծաղկել են ձորոխի